

I. ERANSKINA

2016ko APIRILAREN 15Eko ERABAKIA

"Osasuneko/Animaliategiko Teknikari Espezialista" Lan-Poltsa handitzeko deialdiaren oinarriak

Lehenengoa.- Xedea eta oinarrizko elementuak.-

1.1.- Xedea.- Honako deialdi honen xedea da "Osasuneko/Animaliategiko teknikari espezialista" lan-poltsa handitzea, UPV/EHUREN esparruan aldi baterako zerbitzuak eskaintzeko.

1.2.- Oinarrizko elementuak.

1.2.1.- Aukeratutako langileek hutsuneek sortutako premiak estaliko dituzte - horiek arauz bete arte- edo aldi baterako premiak estaliko dituzte. Kasu guztietan, plazak edo premiak eskatutako baldintza zehatzak bete behar dira, haien artean, eta lanpostu batzuetarako, Esperimentazio Animaliekin prozedurak burutzen dituen pertsonal moduan kreditatua egon behar da (B Kategoria, urriaren 10eko 1201/2005 Errege Dekretuaren arabera), Otsailaren 1eko 53/2013 Errege Dekretuarekin bat. Errege Dekretu honek esperimentazioan eta beste helburu zientifikoetan eta hezkuntzan erabilitako animaliei aplikagarri diren oinarrizko arauak zehazten ditu.

1.2.2.- Kasu bakoitzean, premiei edo deialdia egin den lanpostu zehatzari dagozkion lanaldia eta ordainsaria izango dira.

1.2.3.- UPV/EHUK hiru lurralde historikoetan dituen bulegoetako edozeinetan egon daitezke lanpostuak.

1.2.4.- Aukeratutako langileak "Osasuneko/Animaliategiko teknikari espezialista" lan-poltsan txertatuko dira, eta kasuan kasuko III. Taldeko Pertsonala (Animaliategia) edo Osasuneko Teknikari Espezialisten lan-poltsak agortu direnean deituak izango dira. Lan-poltsa hori, hain zuzen, lan-poltsen kudeaketari buruzko araudiarekin bat etorrita erabiliko da.

1.2.5.- Araudi orokor aplikagarriaz gainera, aplikatzekoak izango dira Lan Poltsei buruzko Erabakien edukiak eta xedapenak eta AZP kontratatzeke irizpide eta prozedurei buruz UPV/EHUKO Gerenteak 2002ko uztailaren 1ean sinatutako Zirkularra.

Bigarrena.- Hautagaiek bete beharreko baldintzak.-

2.1.- Hautapen-prozesuan parte hartu ahal izateko ezinbestekoa izango da honako baldintza hauek betetzea:

- a. Hamasei urte beteak, eta nahitaezko erretirorako adina bete gabe izatea.
- b. Honako Titulu hauetako batzuk edukitzea edo horiek jasotzeko eskubideak ordainduak izatea: Batxilergoa, Batxilergo Bateratu Balioanizduna, Lanbide Heziketako goi mailako teknikaria edo teknikari espezialista edo titulu baliokidea.

- c. Behar bezala betetako eskaera aurkeztea eta parte hartzeko tasak ordaintzea, deialdiaren hirugarren oinarrian xedatutakoarekin bat etorrira. Tasa bat ordaindu beharko da Erabaki honetan deitutako hautapen-prozesu bakoitzarengatik.
- d. Europar Batasuneko herrialde-kideetako baten naziotasuna edukitzea edo Europar Batasunak gauzatu eta Espainiako Estatuak berretsitako Nazioarteko Itunak aplikatuta langileen joan-etorri askea aplikatzen zaion Estaturen batekoa izatea. Era berean, Europar Batasuneko herrialde-kideren bateko naziotasunekoaren ezkontideak ere parte hartu ahal izango du, non ez dauden legez bananduta, eta baita bere eta ezkontidearen oinordekoek ere, baldin eta ezkontideak ez badaude legez bananduta eta oinordekoak 21 urtez beherakoak edo ezkontideen bizkar bizi diren adin horretatik gorakoak badira. Era berean, aurreko paragrafoetan aipatu gabeko eta Espainiako Estatuan bizi diren atzerriko pertsonak ere parte hartu ahal izango dute. Hautatuak izanez gero, kontratuaren xede den jarduera gauzatzeko administrazio-baimena badaukatela egiaztatu beharko dute, kontratua bera sinatu aurretik.
- e. Zereginak gauzatzeko funtzio-gaitasuna edukitzea, ezgaitasuna duten pertsonen eskubideei eta gizarteratzeari buruzko Legearen testu bategina onartzen duen azaroaren 29ko 2013/1 Legegintza Errege Dekretua aplikatzeari kalterik eragin gabe. Deituz gero, gaitasun fisikoa eta psikikoa ziurtagiri edo mediku-azterketa bidez egiaztatuko da, eta baldintza hori betetzea ezinbestekoa izango da bitarteko kontratua egiteko. Ezintasun fisiko edo psikikoa duten pertsonak gainerako hautagaien baldintza berberetan onartuko dira, baldin eta txertatu nahi duten itzarote-zerrendako lanpostuen berezko funtzioak gauzatzeko behar adina gaitasun badutela egiaztatzen badute.
- f. Zeinahi Herri Administrazioiko edo autonomia-erkidegoetako organo konstituzional edo estatutu-organoetako zerbitzuak diziplina-espediente bidez utzarazi ez izana, eta ebazpen judizial bidez gaitasungabetze absolutu edo berezian ez izatea enplegu edo kargu publikoetarako, funtzionarioen eskalara iristeko, edo lan-kontratudun langileen kasuan, gaitasungabetu edo utzarazitako lanpostuan gauzatzen zituztenen antzeko funtzioak egikaritzeko. Beste Estatu bateko naziotasuna izanez gero, gaitasungabetua edo antzeko egoeraren batean ez egotea, edo diziplina-zigorrik edo bere Estatuan, baldintza beretan, enplegu publikorako sarbidea galarazten dion antzekorik jaso ez izana.
- g. Ezintasun edo bateraezintasunezko lege-arrazoiren batean murgilduta ez egotea.

2.2.- Hautagaiak aurreko atalean aurreikusitako baldintzak bete beharko dituzte eskariak aurkezteko epea amaitzen denean eta bere horretan mantendu hautaketa prozesuak iraun bitartean; salbuespena izango da, ordea, g) letran aurreikusitako bateraezintasun-baldintza. Azken hori aldi baterako lan kontatua egitean bete beharko da, baldin eta hautatzen badute.

Hirugarrena.- Eskariak aurkeztea.-

3.1.- Eredu ofizial eta normalizatuan aurkeztuko dira eskaerak, mota hauetakoren batean:

- a. Bide elektronikoa edo Internet bidez. Inprimakia 3.1.c) oinarrian adierazitako moduan behin beteta dagoela, eskaera bidali beharko da. Bide horretatik aurkezten diren eskaerak hartu izanaren adierazpena eskuratu ahal izango dute, esleitutako erreferentzia-zenbakiarekin eta tasak ordaintzeko agindu-txartelarekin.
- b. Interneteko helbide honetan eskuragarri dagoen eredu bat beteta: www.ehu.es (administrazio eta zerbitzuetako langileak). <http://go.ehu.eus/azp-kanpo-deialdiak>.

3.2.- Onartuak izateko, eta hala badagokio, dagozkion hautapen-probetan parte hartu ahal izateko, hautagaiak eskaeraren atal guztiak bete beharko dituzte, eta dagozkion tasak ordaindu. Eskarian adierazi beharko dute bigarren oinarrian eskatutako baldintza guztiak betetzen dituztela; betiere, eskariak aurkezteko epea iraungitzen den datari dagokionez, eta bertako bigarren atalean aurreikusitako salbuespenekin.

3.3.- Aurkezteko tokiak:

Bide elektronikoa hautatu ezean, UPV/EHUren zeinahi Erregistro Orokorretan aurkeztu ahal izango dira eskaerak.

UPV/EHUko Erregistro Orokorrek dira, hain zuzen, Leioako Campuseko Unibertsitateko Errektoretzaren eraikinean kokatuta daudenak (Sarriena auzoa, z/g, 48940, Leioa) edo Gipuzkoako Campuseko Errektoreordetzaren egoitzetan daudenak (Ignazio M^a Barriola eraikina, Elhuyar plaza, 1, 20028, Donostia), Arabako Campuseko Errektoreordetzaren egoitzan daudenak (Izardui Komandantea, 2, 01005, Gasteiz) eta Larrako Etxean daudenak (Agirre Lehendakariaren etorbidea, 83, 48015, Bilbo). Bulego horiek eta UPV/EHUren ikastegiak (horiek ere Erregistro Orokorrek dira) UPV/EHUren 2012ko maiatzaren 16ko Akordioan daude jasota (2012ko ekainaren 18ko EHAA), eta baita Interneteko honako helbide honetan ere:

<http://www.ehu.es/erregistro-bulegoak.html>

Araba, Gipuzkoa eta Bizkaiko campusetan dauden Erregistro Orokorrek astelehenean ostegunera egongo dira irekita, goizez, 09:00etatik 13:00etara, eta arratsaldean, 15:00etatik 16:30era. Nola ostiraletan, hala udako etenik gabeko lanaldian edo Aste Santu zein Gabonetan, 09:00etatik 13:00etara egongo dira irekita.

Erregistro Orokorreko bulegoak itxita egongo dira dagokien jaiegunetan, indarrean dagoen urteko "administrazio eta zerbitzuetako langileen lanaldi, ordutegi, oporraldi eta baimenen zirkularrean" xedatutakoarekin bat etorrira.

Erregistro Orokorreko bulego bakoitzak, aipatutako Zirkularraren arabera, ikusteko moduan argitaratuko du zein diren bere jaiegunak eta jendearen arreta soilik goizez eskainiko duten egunak.

Eskariak, halaber, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/92 Legearen 38.4. artikuluan adierazitako zeinahi modutan aurkeztu ahal izango dira.

Eskaria Correos bulegoetan aurkezten duten interesdunek bosgarren oinarriaren zortzigarren atalean adierazitako Epaimahaiaren helbidera bidali beharko dute, eta bide beretik, posta-zerbitzuen eskaintza arautzen duen Araudia onartzen duen abenduaren 3ko 1829/1999 Errege Dekretuaren 31. artikulua xedatutakoa bete beharko dute; esan nahi baita, eskaera irekitako gutun-azalean aurkeztu beharko dute, Correoseko funtzionarioak eskaria zigilatu eta hari data jar diezaion, ziurtatu aurretik. Hala egin ezean, ezingo da jo datan aurkeztutakotzat.

Bide elektronikotik bidalitako eskariak ez dira aurkeztu behar. Alabaina, tasak sistemak ematen duen agindu-txartelik gabe ordainduz gero, ordainagiria aurkeztu beharko da.

3.4.- Eskaerak aurkezteagatiko tasak ordaintzea:

Likidazio honen xede den tasa, hain zuzen, Euskal Autonomia Erkidegoko Tasa eta Prezio Publikoei buruzko Legearen testu bategina onartzen duen irailaren 11ko 1/2007 Lege Dekretuari atxikita dago (2007ko abenduaren 27ko EHAA, 248. zk.), eta **14,66 eurokoa** da.

Deialdi honen 2.1.c) oinarriak aurreikusten duen baldintza betetze aldera, 3.5. oinarrian eskaerak aurkezteko adierazitako epean ordaindu beharko da tasa hori, eta tasa bat ordaindu beharko da honako erabaki honek deitutako hautapen-prozesu bakoitzean parte hartzeagatik.

Eskaera bide elektronikotik egiten bada, sistemak emandako agindu-txartelaren bitartez ordaindu ahal izango da/dira tasa/k. Horretarako, honako erakunde honen zeinahi bulegoetan aurkeztu beharko da: Kutxabank, edo bestela, barrakodeen irakurgailuak dituzten aipatutako erakundearen kutxazainetan. Bide elektronikotik egin ahal izango da, halaber, Euskal Autonomia Erkidegoko Ordainketa Igarobidearen bitartez, aipatutako erakundearen Banka Elektronikoko bezeroa baldin bazara.

Eskaera eskuz eginez gero, eskaerarekin batera, ordainagiria aurkeztu beharko da. Diru-sarreraren "azalpenean", diru-sarrera egiten duen pertsonaren NANA eta parte hartu nahi den lan-poltsari dagokion hautapen-prozesuaren identifikazioa adierazi beharko dira. Lehenengo atalean aipatutako tasa ordaintzeko kontuzenbakiak, hain justu, eskuz egindako eskabide-orriaren atzeko aldean adierazitakoak dira.

Eskariak aurkezteko epean tasa ordaindu ezean, prozeduratik kanpo geratuko da. Ez da epe gehigarririk emango tasa ordaindu ahal izateko.

Lankideak diren banku-bulegoetan tasa ordaintzeko eskaerak aurkezteak ez du ekarriko, inola ere, aurreko ataletan xedatutakoarekin bat eskaerak aurkezteko izapideak aldatzea, legezko epean eta eran.

3.5.- Eskakerak aurkezteko epea hamar egun naturalekoa izango da, 2016ko apirilaren 18tik 27ra, biak barne.

3.6 Ezintasunak dituzten hautagaiek halaxe adierazi beharko dute eskaeran. Horretarako, dagokion laukia bete beharko dute. Bide beretik, hautapen-probak egiteko beharrezkotzat jotako denbora eta bitartekoen litekeeneko egokitzapenak adierazi beharko dira. Aipatutako egokitzapenen premia egiaztatze aldera, eskatzaileak ezintasuna aitortzen dion egiaztagiri ofiziala eta behar dituen egokitzapenei buruzko txostena aurkeztu beharko ditu. Dokumentazio hori onartuen eta baztertuen behin betiko zerrenda argitaratu aurretik aurkeztu beharko da, Epaimahaiak beharrezko neurriak har ditzan. Ezintasuna duten pertsonatzat joko dira, hain zuzen, Ezintasuna duten pertsonen aukera berdintasunari, bazterkeriarik ezari eta irisgarritasun unibertsalari buruzko Legearen testu bategina onartzen duen azaroaren 29ko 1/2013 Legegintza Errege Dekretuaren 4. artikuluan definitutakoak; esan nahi baita, eskumena duen Administrazioiko organoak % 33 edo gehiagoko ezintasun maila aitortu dienak.

Eskaerari ez zaio inolako dokumentaziorik erantsi beharko, egokitzapenak eskatu dituzten pertsonen buruzko aurreko atalean xedatutakoari eta tasaren ordainagiriari inolako kalterik eragin gabe.

3.7.- Hautapen-prozesu hauetan parte hartzeak esan nahi du interesdunak onartu egiten duela eskarian jasotako datu pertsonalen tratamendua, behin-behineko eta behin betiko emaitzak web-orrian eta iragarki-taulan argitaratzeari dagokionez, eta ondoriozko lan-poltsaren kudeaketari dagokionez. Datuetara sartzeko, horiek zuzentzeko, ezeztatzeko edo horiei aurka egiteko eskubidea egikaritzeko, deialdia egin duen organora jo beharko da.

Nolanahi ere, eskaria sinatzeak esan nahi du eskatzaileak informazioa jaso duela eta bere datuak aipatutako helburuetarako erabiltzeko baimena ematen duela.

Laugarrena.- Hautagaiak onartzea.-

4.1.- Eskariak aurkezteko epea amaitu eta gehienez ere hilabeteko epean, UPV/EHUko Gerentearen Ebazpen bidez, onartuen eta baztertuen behin-behineko zerrenda argitaratuko da UPV/EHUren web-orrian: www.ehu.es, administrazio eta zerbitzuetako langileak / Lan-poltsak / deialdien atalean.

Baztertutako hautagaiek bost asteguneko epea izango dute (aurreko paragrafoan adierazitako guneetan argitaratu eta hurrengo egunetik zenbatzen hasita), baztertzera bultzatu duten akatsa edo arrazoia konpondu ahal izateko.

Interesdunak ez badu konpontzen, aipatutako epean, baztertzera bultzatu duen akatsa, eskaera bertan behera uzten duela ulertuko da, azaroaren 26ko 30/1992 Legearen 71.1. artikuluan xedatutakoarekin bat etorrita.

4.2.- Behin-behineko zerrendari erreklamazioak egiteko epea amaitutakoan, beste 15 eguneko epean, hautapen-prozesu honetan onartutako hautagaien behin betiko zerrenda argitaratuko da. Erabaki horren aurkako berraztertze-errekurtsoa jarri ahal izango da, UPV/EHUko Gerentearen aurrean, hilabeteko epean, edo

zuzenean administrazioarekiko auzi-errekurtsoa dagokion jurisdikzio-ordenaren Epaitegian, bi hilabeteko epean.

4.3.- Prozeduraren zeinahi unetan Epaimahaiak jakiten badu hautagaietakoren batek ez duela betetzen deialdian eskatutako baldintzetakoren bat, bertatik kanpo geratuko da, aldez aurretik interesdunaren auzialdia eginda, eta egunean bertan jakinarazi beharko zaio administrazio eta zerbitzuetako langileen zerbitzuari.

4.4.- Hautagaien behin-behineko eta behin betiko zerrendetan, hainbat datu jasoko dira: izena, bi abizenak eta Nortasun Agiri Nazionalaren zenbakia, edo atzerriko parte-hartzaileentzat, pareko agiriren bat. Eta hori guztia, helburu bakarrerako: fase bakoitzean prozesuaren publizitate-printzipioa betetzeko, eta hala badagokio, interesdunei jakinarazpena helarazteko. Guzti-guztia, datu pertsonalen babeserako indarrean dagoen legedian xedatutakoarekin bat etorrira.

Bosgarrena.- Epaimahai Kalifikatzailea.-

5.1.- Bost kidek osatuko dute Epaimahai Kalifikatzailea: lehendakariak eta UPV/EHUko Administrazioak izendatutako lau kidek; horietako bat, hain zuzen, Idazkari izendatuko dute.

Euskara-ezagutza erabakitzeko aurreikusitako probetarako HAEEko ordezkari bat izendatuko dute.

Onartuen eta baztertuen behin-behineko zerrendarekin batera jakinaraziko da deialdi hau arautuko duen Epaimahai Kalifikatzailea nork osatuko duen.

5.2.- Kasu guztietan, Epaimahaiak aholkularien lankidetzara jaso ahal izango du, deialdi honetan aurreikusitako hautapen-prozesuko probaren baterako edo guztietarako. Aholkulariak euren espezialitate teknikoetara mugatuko dira.

5.3.- Epaimahaikide guztiek izango dute hitza eta botoa. Epaimahaiaren erabakiak bertaratuen gehiengo botoekin hartuko dira; berdinketa izanez gero, berriz, Lehendakariaren botoa izango da bozketa ebatziko duena.

5.4.- Epaimahaiak, bestalde, bi ordezkari izango ditu. Horiek ere titularrak izendatzearekin batera izendatu beharko dira. Lehendakariaren kasuan izan ezik, ordezkariak titularren kalitate berbera eduki beharko dute.

5.5.- Epaimahaia ezingo da osatu, ezta jardunean aritu ere, Lehendakaria eta Idazkaria, edo hala badagokio, haien ordezkariak, eta gutxienez kideen erdiak (titularrak zein ordezkariak) bildu ezean.

5.6.- Lehendakariak eta haren ordezkariak huts eginez gero, gaixotuz gero edo lege-arrazoiren bategatik ez azalduz gero, epaimahaikideen artean maila, antzintasun eta adin handieneko kideek ordezkariak dituzte, hurrenkera horretan.

Idazkariaren kasuan, hark eta haren ordezkariak huts eginez gero, gaixotuz gero edo lege-arrazoiren bategatik ez azalduz gero, beste zeinahi epaimahaikidek egingo ditu ordezkari-lanak, gehien adostasunarekin aukeratuta.

5.7.- Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/92 Legearen 28. artikuluan aurreikusitako egoera batzuk batera gertatzen badira, epaimahaikideek esku hartzeari utziko diote, eta UPV/EHUko Gerenteari emango diote horren berri.

Era berean, arestian aipatutako arrazoiak batera gertatuz gero, interesdunek epaimahaikideak ezetsi ahal izango dituzte, aipatutako lege-testuaren 29. artikuluan xedatutakoarekin bat etorrira.

5.8.- Epaimahai Kalifikatzaileak Bizkaiko Campusean izango du helbidea, jakinarazpenetarako eta gainerako gorabeheretarako: Langileen Gerentziaordetza, AZP Zerbitzua, Hautapen eta Hornidura Atala (Sarriena auzoa, z/g, 48940, Leioa).

Seigarrena.- Hautapen-prozesuaren garapena.-

6.- Hautapen-prozesuak fase hauek izango ditu:

6.1.- Oposizioa

Oposizio-fasean ariketa hau gauzatu beharko da:

6.1.1.- Ariketa bakarra: hautagai guztiak nahitaez egin beharrekoa; baztertua izango da.

Ariketa teoriko bat egin beharko da, hau da, idatziz erantzun beharko zaio hautazko erantzun dituen galdeketa bati (haietatik bakarra izango da zuzena). Galdeketa II. Eranskinean agertzen den gaiei buruzkoa izango da.

Ez da zigorrik izango oker erantzuteagatik edo galderaren bati ez erantzuteagatik.

Ariketa honek zerotik (0) hamar (10) puntura bitarteko kalifikazioa izango du. Gainditzeko, ezinbestekoa izango da sei (6) puntu lortzea.

Lehenengo zati honetan gehieneko puntuazioa lortu ahal izateko, gainditu duten hautagaiek lortutako zuzeneko puntuazioak azken puntuazio bihurtuko dira, banaketa proportzional baten bitartez; era honetan, hamar (10) puntuko azken puntuazioa bat etorriko da galdera guztien puntuazio zuzenarekin. Eragiketa horiek guztiak, nolahi ere, hautagaiak nor diren jakin gabe egingo dira.

6.1.2.- Epaimahaiari dagokio probak egiteko datak, orduak eta tokiak erabaki eta horren berri ematea, laugarren oinarriaren lehenengo atalean aipatutako iragarkitaularen eta web-orriaren bitartez. Epaimahaiaren esku geldituko da aurreko paragrafoetan jasotako proba izango duen luzapena eta iraupena erabakitzea.

6.1.3.- Epaimahaiak deituko du/ditu hautagaia/hautagaiak. Azaltzen ez direnak kanpoan geratuko dira, non eta ez den behar bezala justifikatutako ezinbesteko kasurik gertatzen; betiere, Epaimahaiak modu askean aintzat hartutakoak.

6.1.4.- Hautagaiek, probara doazenean, euren nortasuna egiaztatzeke agiriak eramane beharko dituzte (NANA, pasaporte edo gidabaimena), proba egin bitartean zeinahi epaimahaikidek eskatu ahal izango baitizkie.

6.1.5.- Proba euskaraz egin nahi duten hautagaiek halaxe adierazi beharko dute, espresuki, eskabide-orrian. Antolamendu-kontuak direla tarteko, hautagaiek kontrakoa eskatu ezean, probak gaztelania hutsean egingo dira.

6.1.6.- Oposizio-faseko behin-behineko emaitzak argitaratu ostean, bost asteguneko epea jarriko da, beharrezko erreklamazioak egiteko.

6.2.- Merezimenduen Lehiaketa

6.2.1.- Oposizio-faseko behin-behineko emaitzak argitaratu ondoren, bost asteguneko epea ezarriko da Merezimenduen Lehiaketa-fasean zenbatzekoak diren merezimenduak adierazteko, eta hala badagokio, egiaztatzeko. Eskariak aurkezteko azken egunera arte ziurtatutako merezimenduak soilik kontutan hartuko dira.

Oposizio-fasearen behin-behineko emaitzen inguruko erreklamazioak aurkezten dituztenek, erreklamazioarekin batera, merezimenduan alegazioa eta egiaztapena aurkeztu beharko dute.

6.2.2.- Fase honetako kalifikazioa, hain zuzen, merezimenduen honako baremoaren arabera emandako puntuen batura izango da. Gehienez lortu daitezkeen puntuak, berriz, hiru (3) izango dira.

- a) Biosanitaria jakintza arloko Titulu akademikoak. Sartzeko eskatutakoak ez diren bestelako titulu batzuegatik gehienez ere 2 puntu emango dira, honako baremo honen arabera:
- I. Taldean sartzeko eskatu litekeena hori ere, edukitzeagatik (Doktorea, Lizentziaduna, Graduduna, Ingeniaria, Arkitektoa): puntu 1.
 - II. Taldean sartzeko eskatu litekeen tituluren bat edukitzeagatik (Unibertsitateko Diplomaduna, Ingeniari Teknikoa, Arkitekto Teknikoa): 0,50 puntu. Unibertsitateko diplomadun-tituluren parekotzat joko da lizentziako hiru ikasturte oso gainditu izana.
 - Unibertsitate, Ikastegi eta Tituluen Erregistroan jasotako master ofizialen bat egiteagatik: 0,50 puntu.
 - Unibertsitateren Titulu Bereki bat edukitzeagatik: 0,25 puntu.
 - III. Taldean sartzeko eskatu litekeen tituluren bat edukitzeagatik (prozesuan parte hartzeko adierazitakoa ez dena; Batxilergoa, Lanbide Heziketako goi mailako teknikaria edo teknikari espezialista edo titulu baliokidea): 0,15 puntu.

Ez dira kontutan hartuko merezimendu moduan aurkeztutako tituluak lortzeko beharrezkoak diren beharrezkoak diren beharrezko mailako beste titulu batzuk.

- b) Euskal Autonomia Erkidegoan ofizialak ez diren hizkuntzei dagokienez. Gehienez ere 0,2 puntu emango zaie, honako baremo honen arabera:

- Frantseseko, ingelesko edo alemaneko Hizkuntza Eskola Ofizialeko 5. maila edo B2 (Hizkuntzen Europako Esparrua): 0,10 puntu, hizkuntza bakoitzeko. Hezkuntza jakite maila baloratzeko ofizialak ez diren hizkuntzen baliokidetzari buruzko

UPV/EHUko errektorearen 2012ko martxoaren 8ko erabakia kontutan hartuko da. Tituluak, betiere, eskaerak aurkezteko epea bukatu aurretik lortutakoak izan beharko dira.

6.2.3.- Tituluak egiaztatzeko, tituluaren edo berori jasotzeko eskubideak ordaindu izanaren frogagiriaren kopia aurkeztu beharko da; soilik kontuan hartuko dira eskariak aurkezteko epea amaitu aurretik lortutakoak.

Ofiziala ez den Hizkuntza-egazutza, bestalde, eskatutako tituluaren kopia bidez egiaztatuko da. Ez da inolako probarik egingo, baina soilik kontuan hartuko dira eskariak aurkezteko epea amaitu aurretik lortutakoak.

6.2.4.- Lehiaketa-faseak ez du kanporatze-izaerarik izango, eta bertan lortutako puntuazioak ez dira aintzat hartuko oposizio-faseko probak gainditu ahal izateko.

6.2.5.- Merezimenduen lehiaketa-faseko behin-behineko emaitzak argitaratu ostean, bost asteguneko epea jarriko da, beharrezko erreklamazioak egiteko.

6.3.- Euskara.- Euskara merezimendutzat joko da, EAEko Herri Administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuan aurreikusitakoarekin bat etorrira.

Hauxe da lortu daitekeen puntuazioa:

3. HE (C1) edo gorakoa: 1,95 puntu.

2. HE (B2): 1,3 puntu

1. HE (B1): 0,65 puntu

Hizkuntza-eskakizun bakoitza egiaztatzeko, eskakizun bakoitzerako proba bat prestatuko da. Hautapen-prozesu bakoitzeko oposizio-faseko behin betiko emaitzak argitaratu ondoren egingo da.

Euskara-probaren bitartez aurretik zehaztutako hizkuntza-eskakizunak soilik egiaztatu ahal izango dira. Behar bezala antolatu ahal izateko, dagokion hautapen-prozesuko oposizio-faseko lehenengo ariketako lehen zatian, hautagaiei eskatuko zaie adierazteko ea proba euskaraz egin nahi duten, eskabide-orrian besterik adierazi bazuten ere. Nolanahi ere, oposizio-fasea gainditu ez duten hautagaiek ez dute proba hau egin beharko.

HAEEK, bere antolamendu- eta funtzionamendu-arauekin bat etorrira, hizkuntza-eskakizun bakoitza egiaztatzeko probetarako datak finkatuko ditu.

Hizkuntza-eskakizunak baliozkotzeari dagokionez, EAEko Herri Administrazioetan euskararen erabilera normalizatzeko prozesua arautzen duen apirilaren 15eko 86/1997 Dekretuaren 41. artikuluan xedatutakoari eta euskararen egazutza egiaztatzeko tituluak eta egiaztagiria baliozkotzeko eta Hizkuntzen Europako Erreferentzia Esparru Bateratuko mailekin parekatzeko azaroaren 9ko 297/2010 Dekretuan xedatutakoari erreparatu beharko zaio.

Hizkuntza-eskakizunak edo parekoak egiaztatzeko dokumentuak euskarazko ariketa idatzia egingo den egunera arte (egun hori barne) aurkeztu ahal izango dira.

6.4.- Epaimahai Kalifikatzaileak ariketak egiteko denbora eta bitartekoak egokitu beharko ditu egokitzapenak behar dituzten hautagai ezinduentzat; betiere, 3.6. oinarriaren arabera eskariarekin batera eskatutakoak badira. Era horretan, gainerako hautagaiekiko aukera-berdintasuna izango dute. Nolanahi ere, ezingo da probaren edukia indargabetu, ezingo zaio kalterik eragin aldi baterako langileen deialdiak oinarrian behar duen presakotasun eta bizkortasunari, eta ezingo da murriztu edo urritu eskatutako gaitasun maila.

6.5.- Hautagaien sailkapen-hurrenkera, hain zuzen, oposizio-fasean, merezimenduen lehiaketan, eta hala badagokio, euskararenean eskuratutako puntuazioen baturak ezarriko du. Berdinketa izanez gero, honako irizpide hauen arabera finkatuko da hurrenkera:

1. Oposizio-fasean puntuazio handiena lortu duenaren alde.
2. Lehiaketa fasean puntuazio handiena lortu duenaren alde.
3. Titulazio atalean puntuazio handiena lortu duenaren alde.
4. Oposizio eta lehiaketa faseak gehituta puntuazio handiena lortu duenaren alde.

Irizpide horiek aplikatuta ere berdinketa hautsi ezin bada, eskaria iritsi eta erregistratu zeneko datari erreparatuko zaio.

6.6.- III. taldeko teknikaria (Animaliategia) edo abeltegiko ofiziala lanpostuetan kontratua ahal izateko Esperimentazio Animaliekin prozedurak burutzen dituen pertsonal moduan kreditatua egon behar da (B Kategoria, urriaren 10eko 1201/2005 Errege Dekretuaren arabera), esperimentazioan eta beste helburu zientifikoetan eta hezkuntzan erabilitako animaliei aplikagarri diren oinarrizko arauak zehazten dituen Otsailaren 1eko 53/2013 Errege Dekretuarekin bat etorrira.

6.7.- Hautagaiei eragiten dieten eta prozesuarekin lotutako ekintza guztien berri iragarriko da laugarren oinarriaren lehenengo atalean aurreikusitako web-orrian. Argitalpen horiek egingo dira interesdunei jakinarazpen pertsonala bidali beharrean, eta ondorio berberak izango dituzte, 4/1999 Legeak aldatutako azaroaren 26ko 30/1992 Legearen 59.5b) artikuluan aurreikusitakoarekin bat etorrira.

Zazpigarrena.- Epaimahaiaren proposamena.-

Hautapen-prozesu guztiak amaitu ostean, horiek guztiak gainditutako hautagaiak antolatuko ditu epaimahaiak, bakoitzean lortutako guztizko puntuazioaren arabera, atal bakoitzari dagokiona adierazita. Ondoren, UPV/EHUko Gerentziara bideratuko du, han prozesuak behin betiko ebazteko.

Epaimahaiaren proposamenen aurka gorako errekurtsua jarri ahal izango da UPV/EHUko Gerentziaren aurrean, horiek argitaratu eta hurrengo egunetik zenbatzen hasita, hilabeteko epean.

Lan-poltsan, honako hauek adierazi beharko dira:

- Kide guztien izen-abizenak.
- Kide bakoitzaren hurrenkera-zenbakia.
- Deialdi honetan parte hartzen duten kideei baremoa aplikatu, eta horiek lortzen duten puntuazioa.
- HAEEk egiaztatu eta homologatutako hizkuntza-eskakizuna eta ingeles-, frantses- edo aleman-ezagutza, egiaztatuta.

Zortzigarrena.- Gorabeherak.-

8.1.- Epaimahaiak eskumena izango du aurkeztutako zalantzak argitzeko eta honako oinarri hauetan aurreikusitako guztian, hautapen-prozesua bide onetik joan dadin beharrezkoak diren erabaki guztiak hartzeko.

8.2.- Deialdiari, oinarriari eta horietatik zein epaimahaiaren jardunetik eratorritako zeinahi administrazio-ekintzari aurka egin ahal izango zaio, Herri Administrazioen Araubide Juridikoaren eta Administrazio Prozedura Erkidearen azaroaren 26ko 30/92 Legean aurreikusitako kasuetan eta moduan.

8.3.- Deialdi honekin lotutako informazioa UPV/EHUko AZP Zerbitzuko Hautapen eta Hornidura Atalean emango da (Errektoretzaren Eraikina, beheko solairua, Leioako Campusa, Bizkaia).

Bederatzigarrena.- Baldintzak betetzen direla egiaztatzea.-

9.1.- Dagokion deialdiaren harira, bigarren oinarrian hautapen-prozesurako eskatutako baldintzak betetzen dituela egiaztatzeko dokumentuak aurkeztu beharko ditu aukeratutako hautagaiak, finkatutako epean.

9.2.- Aipatutako epean, eta ezinbesteko arrazoiak gertatuz gero salbu, hautagaiak ez badu dokumentazio hori aurkezten edo ez badu egiaztatzen eskatutako baldintza guztiak biltzen dituela, hautatuen zerrendatik kanpo geratuko da, automatikoki.